



UNIVERSITÄTS-
BIBLIOTHEK
PADERBORN

De Congregationibus Clericorum In Communi Viventium

Le Mire, Aubert

Coloniæ Agrippinæ, 1632

Cap. IV. Congregatio supradicta Clericorum regularium à Clemente III.
approbata, per Paulum III. titulo S. Pauli donatur, & varijs priuelegijs
augetur, anno 1533.

[urn:nbn:de:hbz:466:1-64608](https://nbn-resolving.org/urn:nbn:de:hbz:466:1-64608)

die 18. Februarij, 1533. Pontificatus nostri
anno decimo.

CA P V T IV.

CONGREGATIO SVPRADICTA
*Clericorum regularium à Clemente VII. ap-
probata, per Paulum III. titulo S. Pauli dona-
tur & varijs priuilegijs augetur. anno 1535.*

PAVLVVS Episcopus, seruus seruorum
Dei, dilectis filijs ANTONIO MARIAE
DE ZACHARIIS, & BARTHOLOMÆO DE
FERRARIIS presbyteris, Cremonensi &
Mediolanensi, salutem & Apostolicam be-
nedictionem.

Dudum felicitis recordationis CLEMEN-
TI Papæ septimo, prædecessori nostro, pro
parte vestra expositum, quòd vos cum tri-
bus alijs vestræ voluntatis socijs, vt libe-
rius diuinis beneplacitis insistere, & quæ
Dei erant perquirere possentis, cupiebatis
professionem trium votorum substantia-
lium Religionis in manibus tunc Archie-
piscopi Mediolanensis, seu eius tunc Vica-
rij in Spiritualibus generalis, emittere, &
insimul in aliquo loco ciuitatis, seu diocæ-
sis Mediolanensis, per vos eligendo, mora-
ri ac remanere, idem prædecessor vestris in
ea parte supplicationibus inclinatus, vobis
& vestrum singulis, vt professionem ipsam
in eiusdem Archiepiscopi seu Vicarij. qui
verò

verò ad vos de cætero conuerti vellent, in alterius vestrum, seu Præpositi vestræ Congregationis pro tempore existentis, manibus professionem trium votorum eorundem emittere, ac insimul, sub obediētia tamen Ordinarij loci, in ipso loco per vos eligendo cohabitare, & in communi viuere, nec non pro vestro, & rerū vestrarū salubri statu ac directione, quæcunq; statuta & ordinationes, rationabilia & honesta, ac sacris canonibus non contraria condere & facere, illaque, vt vobis pro temporū qualitate expedire videretur, mutare, & in totum tollere, aliaque, illorum loco de nouo facere, liberè & licitè valerētis, concessit, & indulgit; prout in eiusdē prædecessoris litteris desuper, in forma Breuis confectis, quas perpetuis futuris temporibus valere voluit, plenius continetur.

Cum autem, sicut nobis nuper exponi fecistis, vos & nonnulli alij eiusdem voluntatis socij vestri, qui professionem aliquam nondum emisistis, diuina, vt creditur, inspiratione ducti cupientes, cum maiori animi quiete Deo seruire, & illi magis adhærere posse, tria substantialia religiosæ vitæ, paupertatis scilicet, & castitatis, & obedientiæ vota emittere, & sub solito & cōmuni habitu clericali in vnum habitantes, & in cōmuni ac de cōmuni viuentes, necnon Deo

B humi-

humiliter & deuotè, quantum ipse dederit, seruietes, sub nostra & Apostolicæ sedis humili & immediata subiectione, & speciali protectione, clericalem vitam ducere, ac prædicationi verbi Dei, audientiæ confessionum, & administrationi Sacramentorū, sacræq; Theologiæ, & sacrorum canonum studijs, ad vestrarum & aliorum Christi fidelium animarum profectum, vacare, decreueritis, nobis humiliter supplicari fecistis, vt vobis in præmissis benignè annuere, ac oportunè prouidere, de benignitate Apostolica dignaremur.

Nos igitur, qui omnium Christi fidelium pijs & honestis desiderijs libenter annuimus, vestrū in hac parte laudabile desiderium plurimum in Domino commendantes, vestrifque huiusmodi supplicationibus inclinati, vobis & cuilibet vestrum, vt quādocumque vobis visum fuerit, possitis tria substantialia religiosæ vitæ, vt petitis, paupertatis, castitatis & obediētiae vota, publicè emittere, in manibus cuiuscunque presbyteri secularis, vel cuiusuis ordinis regularis solemniter profiteri.

Ac sub solito & communi habitu clericali, subque nomine & nuncupatione *Clericorum regularium*, in communi ac de communi viuentes, in locis religiosis aut secularibus, prout vobis ab illis, quorū loca ipsa

ca ipsa fuerint, concessum fuerit, seu expedire videbitur, sub nostra & huius S. Sedis Apostolicæ immediata subiectione, & speciali protectione, ad quinquennium dumtaxat, in vnum habitare.

Atque ex vobis, & inter vos singulis annis Superiorem, Præpositum nuncupandum, qui vsque ad *triennium*, & non ultra, confirmari possit, eligere.

Ac alios quoscunque seculares clericos, quauis dignitate fulgentes, Episcopo tamē inferiores, ac etiam laicos, qui Deo aspirante ad huiusmodi vitæ frugem, & communem viuendi modum sese conferre uoluerint, recipere, & post annuam probationem, ad talem trium votorum professionem, in manibus ipsius Superioris emitendam, & ad huiusmodi communem viuendi modum admittere.

Ac horas canonicas diurnas, pariter & nocturnas, nec non Missas, & alia diuina officia, simul & diuisim, secundum usum & morem Romanæ Ecclesiæ, etiam iuxta Breuiarium nouiter compilatum, ita tamen, quod cūm publicè ea recitaueritis, vos inuicem conformetis, in ecclesia dicere & recitare.

Nec non quibuscunque fidelibus verè pœnitentibus & confessis, ad vestrâ ecclesiam pro tempore accedentibus, quocunq;

anni tempore, præterquã in festo Paschatis, Resurrectionis Dominicę, Eucharistię, & alia ecclesiastica Sacramenta ministrare, liberè & licitè valeatis, & ad alium vsum super huiusmodi Horis, Missis, & officijs dicendis obseruandum minimè teneamini, nec ad id à quoquã inuiti cõpelli valeatis.

Necnon vt dictus Superior vester pro tempore existens, Clerici & socij vestri, qui infirmitate grauari, aut circa infirmorum, in domibus vestris morantium, curationem adeò impediti fuerint, vt congruum eis tempus, ad diuinorum officiorum recitationem, non supersit; vt infirmitate, aut circa infirmos occupatione huiusmodi durante, certum psalmodum, per ipsum Superiorem eis assignandorum, numerum, non minus septem, aut sex, cum diuisione, & Orationem Dominicam septies, ac symbolum Apostolorum bis, grauiter autem ægrotantibus Orationem Dominicam semel, & Salutationem Angelicam septies, in die recitando, septem Horis canonicis, & toto diuino officio satisfecisse censeantur, & eum quibusuis Clericis, & socijs vestris, super præuentione, vel postpositione temporis recitationis Horarum canonicarum, aliqua subsistente causa legitima, dispensare.

Quodque tempore ieiunij, etiã de præcepto, & iam tempore Quadragesimæ, cū
his

his qui indiguerint, quorum cōscientiæ acquiescant, vt collationem etiam cum pane facere possint, & valeant, auctoritate nostra dispensare.

Ac quod vos inter vos mutuas, seu etiā alij sacerdotes, seculares vel regulares, à vobis, de Superiorum vestrorum licentia, ad hoc pro tempore eligendi, vestras, ac vos dum illi confessores vestri fuerint, eorum confessiones audientes in absolutiōnibus, congrua tamen satisfactione præmissa faciendis, sic inter vos faciendis, hac forma vti possitis, & illi possint, videlicet post *Misereatur &c. & Indulgentiam &c. Dominus noster Iesus Christus te absoluat, & ego auctoritate ipsius, & Beatorum Apostolorum Petri & Pauli mihi commissa, absoluo te ab omni vinculo excommunicationis, maioris vel minoris, suspensionis & interdicti, præterquam Apostolica auctoritate lata vel lati, necnon ab omni irregularitate, præterquam occasione homicidij, aut ex causa à beneficijs ecclesiasticis quocumque modo dependente, & restituo te Sanctis Sacramentis Ecclesie, vnioniq; & participationi fidelium, In nomine Patris, & Filij, & Spiritus Sancti, Amen. Iterum auctoritate Apostolica &c.*

Vobisq; insuper, qui speciali deuotionis affectu, ducti, erga doctorem gentiū PAV-
LVM, ecclesiam, sub eius nomine, etiā Apo-
stolica auctoritate insignitā habere cupi-

tis, vt primum templum, quod con-
strui feceritis, quod tamen sine alicuius
præiudicio vos facere volumus, sub ipsius
Pauli nomine ac inuocatione habere li-
ceat, & denominare, ac de alijs denomina-
ri & appellari mandamus.

Nec non vt omnibus & singulis priui-
legijs, exemptionibus, immunitatibus, in-
dulgētijs, facultatibus, libertatibus, aucto-
ritatibus, indultis, fauoribus, concessioni-
bus & gratijs, spiritualibus & tēporalibus,
quibus potiūtur & gaudent, ac in futurum
potientur & gaudebunt Canonici regula-
res Congregationis Lateranensis, ac per-
sonæ, & loca eorum, quorum tenores præ-
sentibus pro sufficiēter expressis, ac de ver-
bo ad verbum insertis haberi volumus, ita
vt litteræ Apostolicæ super eisdem priuile-
gijs exemptionibus, immunitatibus, con-
cessionibus, & gratijs eisdem concessis,
vel pro tempore concedendis, mutatis dū-
taxat nominibus, cognominibus, inuoca-
tionibus, & diebus ad libitum vestrū expe-
diri possint, perinde ac si omnia illa & sin-
gula, nō solūm per clausulas generales, sed
per eorum tenorem de verbo ad verbum,
expressionem & insertionem fuissent, vos,
personæ, & loca vestra, vt, potiri, & gaude-
re possitis, vobis per has nostras illas, teno-
re præsentium, ex certa scientia, ac de Apo-
stolicæ

stolicæ potestatis plenitudine, cōcedimus pariter & indulgemus.

Non obstantibus præmissis & Apostolicis, ac in prouincialibus & synodalibus Cōcilijs editis; generalibus vel specialibus, constitutionibus & ordinationibus, etiam iuramento, confirmatione Apostolica, vel quauis firmitate alia roboratis; etiã si qua specialiter, seu de verbo ad verbum exprimenda essent, quæ pro expressis haberi, & quibus quo ad effectum præsentium dumtaxat, specialiter & expressè derogamus, cæterisque contrarijs quibuscunque.

Datum Romæ apud S. Marcum, anno millesimo quingentesimo trigesimo quinto, VIII. Kalend. Augusti, Pontificatus nostri anno primo. 1535.

C A P V T V.

MONASTERIA SEV COLLEGIA
*Barnabitarum, siue Clericorum regularium
S. Pauli.*

N ouariense.	<i>Nouara.</i>
Mediolanense.	<i>Milano.</i>
Papiense seu Ticinense.	<i>Pauiæ.</i>
Monzense.	<i>Monzana.</i>
Cremonense.	<i>Cremona.</i>
Montuense.	<i>Montu.</i>
Casalense.	<i>Casale di Monferato.</i>
Landense.	<i>Lodi.</i>

B 4 Casa